

Espectaculo Local

Academy of Music and Arts a habri na Cumana



ORANJESTAD (AAN)- Na Cumana a habri su portanan A.M.A. Academy of Music and Arts. E idea tras di A.M.A segun e director y instructor Sr. Casey Dozier ta di por ta e lugar na unda cada musico por siña y sigi desaroya nan mes den nan genero musical di nan gusto. Na unda nan por haya les ariba diferente area tanto di produccion audio y visual. Tur e lesnan ta wordo

duna den un sistema moderno, cu ta contene informacionnan clasico y tambe technico. Lesnan di drum ta bao encargo di Freddy Gollarza. Freddy ta un musico cu a studia drums y percussion na Venezuela. El a duna les pa varios aña na Arubaanse Muziekschool y awor a join e team di A.M.A. bao e vision nobo.

Pa diferente lesnan musical

ta den man di Casey Dozier, cu no ta desconosi den e mundo farandulero. Despues di a obtene su diploma na Valencia College den Music Production Technology and Sound el a bolbe Aruba pa asina contribui na nos cultura Arubano. A.M.A. ta garantiza cu den un periodo di corto tempo e alumno por cuminsa compronde musica.